



Publicaziuns dalla vischnaunca, jamna 50

Cussegl da vischnaunca

Il cussegl da vischnaunca seraduna **venderdis, ils 13 da december 2019**, allas 19.30 en casa da scola a Segnas.

Tractandas:

1. Protocol 23-2017/2020
2. Infrastructura relevanta per la regiun: Informaziun entras il sviluppader regional Surselva Rudolf Büchi
3. Agenda 2020
4. Ura da damondas (conform ad art. 44 dil regulativ da fatschentas)
5. Elecziuns:
 - 5.1 dil president ni dalla presidenta dil cussegl da vischnaunca per 2020
 - 5.2 dil vicepresidente ni dalla vicepresidente dil cussegl da vischnaunca per 2020

Il president dil cussegl da vischnaunca

Clom da quens

Il quen communal vegn serraus giu cun **ils 31 da december 2019**. Per saver risguardar las expensas occurridas uonn el quen 2019, ei tut tgi che ha aunc da dar quen alla vischnaunca pigl onn current supplicaus da far quei entochen il pli tard **ils 20 december 2019**. Nus supplichein tuttas firmas sco era tut ils officials dalla vischnaunca d'observar quei termin.

Administraziun communal

Administraziun communal

Sur las fiastas da Nadal e Daniev resta l'administraziun communal serrada duront ils suandonts dis:

- **mardis, mesjamna e gievgia, ils 24, 25 e 26 da december 2019**
- **mardis, ils 31 da december 2019**
- **mesjamna e gievgia, igl 1. ed ils 2 da schaner 2020**

Nus giavischein ina biala fiasta da Nadal ed in bien e sanadeivel onn 2020!

Administraziun communal Disentis/Mustér

Controlla da habitonts

Mortoris

Maria Casanova-Jacomet, naschida ils 12 da matg 1931, morta ils 4 da december 2019

Albin Wäger-Ryffel, naschius ils 10 da december 1948, morts ils 9 da december 2019

Oz en biblioteca!

Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs? Mintga secund venderdis dil meins allas 14.30 legin nus avon e mussein vid ina gronda preit ils maletgs ord in cudisch da maletgs. L'occurrenza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna. Nus selegrein zun fetg sin tei!



Cun ils pli cars salids

*Mats, la miur ed il team dalla Biblioteca populara
Disentis/Mustér e contuorn*

Proxim «Café rumantsch» a Mustér

Nus s'entupein venderdis, ils 13 da december allas 20.00 ella Caffetteria dil Center da sport e cultura pil proxim «Café rumantsch». Quella ga discurrin nus sur digl usit da Sontgaclau a Mustér. Weshalb der Disentiser Samichlaus etwas spezieller ist als seine Kollegen auf der ganzen Welt, erfahren wir beim nächsten «Café rumantsch». Il «Café rumantsch» ei ina sentupada per tuts che vulan discuorer romantsch. Einheimische, Zweithemische, Zugezogene und Gäste treffen sich regelmässig zum rätoromanischen Austausch. La sentupada ha liug regularmein, jeden zweiten Freitag im Monat.

Nus selegrein sin stedia participaziun.

Lia Rumantscha e Gion Hosang, menader

Acziun pacs da Nadal 2019

Nus essan fetg engrazieivels dalla gronda solidaritad. En Surselva havein astgau rimnar 405 pacs per l'Europa digl ost. In cauld engraziament a tuts che han contribuü sin ina moda ni l'otra. Nus giavischein a tuts in benediü Nadal.

Aktion Weihnachtspäckli 2019

Herzlichen Dank für die grosse Solidarität. In der Surselva sind 405 Päckli für Osteuropa zusammengekommen. Ein ganz herzliches Dankeschön an alle, die in irgendeiner Weise dazu beigetragen haben. Wir wünschen allen gesegnete Weihnachten.

Renata Goldmann

Gymnasium Kloster Disentis

Ausstellung

Im Kloster Disentis dürfen wir vom **11.–20. Dezember 2019** die Wanderausstellung «Verfolgte Christen weltweit» zu Gast haben, die vom Hilfswerk Kirche in Not stammt. Sie wird in der Schulhalle des Gymnasiums Kloster Disentis stehen. Die Verfolgung und Diskriminierung von Christen ist leider ein aktuelles und vermutlich zu wenig bekanntes Problem.

Seniora-CaNorta

Invitaziun (star da cumpignia – giugs – raschunar)

Gievgia, ils 19 da december 2019. Il liug da sentupada per senioras/seniors, allas 12.15 meisa da miezdi (mira giusut) ni allas 13.45 star da cumpignia, discuors, giugs: troccas, jass, sudoku... ni pli tard per ina cuorta sentupada. Meisa da miezdi organisada da Seniora-Ca e Puntreis. Entschatta: allas 12.15 en Puntreis. Gentar cun treis tratgas inclusiv 3 dl aua dalla spina ed in caffè. Annunzia entochen allas 9.00 dil di alla Puntreis (tel. 081 929 56 56). La meisa da miezdi ei aviarta per mintgin/a.

Post d'informaziun Seniora-Ca



Biblioteca populara Disentis/Mustér e contuorn

Venderdis, ils 20 da december 2019 resta la biblioteca serrada. Nus engraziein per Vossa capientscha. Bugen essan nus puspei cheu per Vus **gliendisdis, ils 23 da december 2019**. Il team dalla

Biblioteca populara Disentis/Mustér e contuorn
www.biblioteca-disentis.ch
